國朝列

卿

紀

國朝列卿紀卷之六十二 國朝列卯紀 空使掌邦事亦所以富充家使民無空者也自漢光武置民曹 夫工部尚書者古冬官大司空之任也冬閉藏萬 主繕修工作鹽池園苑以後南宋北齊俱為起部至隋改為工 部尚書唐因之宋工部判部事一 部特掌其籍而已器械之精粗彼莫得而聞費用之多寡彼莫 得而與也則工部為散秩寧無感於李垕之 **木工役程式皆隷三使司修造案本曹無所掌是名存而曾** | 矣矧土木之與出於宮苑伎巧制作之工主於內侍省而 一部總論 卷之六十二 人以兩制以上充凡城池上 之議耶我 朝設工 **小独于院** 三百七

不甘同鼠耗亦已恥矣可責之雄挺執奏不為無益之作耶是 阜財節用如黃忠宣老成練質而措置有方畢嘉會省徵嚴禁 往往加至三孤而不才者 之慨嘆矣乎 部尚書主 風節不撓其指不可多屈矧提督歸於內豎估會歸於牙猾 天下百工營築 不得濫吹竿於其間求其正身率物

吳黃金李 **们諡禁** 漏 統部 p |年卒於官 門伊仁

剔 程] 超江 巴克万州系 邶 裕 纤年 康任 卒三 莊年 太 任 莊調任 遷衛 愈命 事兼 加 おおおおをおかけず (一) 五万八五

重 趙 尚 林 季 畢 瑞 璜 琰 俊 錘 亨 寬 鍾 靖四靖江少山任福保詳德山年直岗浙 六川元西保西奉建十前四東改隸書江 年雙年安奉絳改莆六正年新兼選兼錢 即犯 屬欧州利田年德任城左安左塘 三德太 年太六溢 任保年素 起數太 子加 太太 東遷惠刑 保子 部

聶 趙 蔣 章 劉 秦 金賢璜塔拯麟 溢清惠 住五少 康加新士 懿太敏四

2

保嘉憂 辛工**页**致再 未承辰任任 辰仕任尚 歷戶部 進 九靖九府 年即七 尚書 पु 十任書 嘉 胡丁二

葬士少士 罷萬保萬 I

·卤 引列卿紀 水加明工江三施萬 人名之カナン 程人太人程人年人曆人 左嘉子嘉十嘉加嘉十編 侍靖少靖五靖太靖年靖 郎巴保巴年巴子丙任丁 十未回未太辰 曆戶曆尋曆年曆 年十部十侍十 Ji. **印年書年** 順少保力 任

事有米便侃侃爭論甚為 會 文廟靖難以潜邸知遇特命署都察院右愈都御史事本 不畏強禦未幾以憂去起復改都察院左副都御史理院事 年補浙江紹興府知府永樂元年召為刑部右侍郎剛直敢為 例別即化 一下卷七六十二 全純字德脩直隸鳳陽府泗州人洪武中歲真人大 **鼎北京命兼署兵部事未幾改兵部尚書詩兵部** 吏部尚書杜澤愛其才薦權吏部文選司亦 等順天府順義縣人洪武末年以縣學生員人太學 車駕巡行北京俱 文願所眷注七年十一 命甩行在工 六 一部尚書士 大學需用三 年十五年 7

特命扈從及八年北征又命統同學士胡廣論德楊榮金幼女 中翊賛効勞居多胡冠平層還南京葬性刑部左侍郎九年命 自追尋得之 擾而事亦易集還京甚何 木規畫綜計惟恐耗竭國脈務禁好食侵漁於是各郡不問 義首馬之召為刑部右侍郎永樂初將管北京命往湖廣採人 游幾多方脈恤民賴全活壬午 成祖入正 能聲益著三十 **扈從三月** ヨフラー 看視河勢先是洪武元年用兵梁音問一 車駕後後衛學純等四人失道上命中官傳 年出陞江西右条政值久雨江水泛濫民多 大喜慰問良久五月至驢駒稍逼賊境凡人 成祖者注七年 車震巡行北京 天統英部尚書发

每月月即巴 事今所謂永通廣運二關是也十年囘京十四年改禮部左侍 開濟寧州西耐牢坡沒引曹鄆黃河水以通梁晉之栗後故道 復塞至是命純發河南運木丁夫開濟放道自開封城北引水 俱諳習切中事宜十六年扈還南京十八年又扈從行在十九 即葬性禮部尚書時禮部有呂震掌部事凡一 祭禱等儀俱命統攝行之十五年又扈巡北京於行在諸典制 下達鄆城復入魚臺蒙場口出穀亭北十里以修 害地方者惟去其大甚不毛舉細索蜀人 年定鼎北京奉 、於泗以通運道後,四河口壅塞於乃修師家莊石佛諸閘 アルハンエコ 勃巡撫四川地方考察官更安輯軍民於遠 無擾及事竣選京加 . مسر عصبوا 一切大典禮慶排 太旭時故 的經

屋京及班系 計議福亦莫不盡心大為二 堂布政按察二司事初附夷民雖或叛服不常福撫綏有道 營辦軍需處置有方應期而集是年冬師渡富民江賊即散遁 尚書呂震協理部事雜震有柔依才而純以誠心處之終無間 黃福字如錫山東萊州府昌邑縣人 明年夏渠魁就俘逐郡縣其地復古輿圖設三司控制其十 是有變無虞時總兵英國張公輔點國沐公英遇有機務 朝廷以安南土所僣號弗聽與師問罪福承命先請兩廣 一年改工部尚青本年冬改行在刑部尚書詳刑部 アネスフェニ 一公禮重福自膺重寄惟知有 八永楽乙)西調北京行部丙 t.)四百八七、

褒崇推恩及其祖考洪熙乙巳扈從 京父老不忍舍去泣送於淦者何啻千萬人 奏福亦具奏陳情 壟奏乞歸省 抵京仍為工 適交趾警報及掌二司事兵部尚書陳治累疏乞福復鎮遂驛 召還京 宣宗嗣登寶位命董獻陵事賜賚優渥既竣事以久違先 | 遣醫護命中使錫以珍饌疾愈持節寧府行册封 一部尚書兼詹事府詹事賜以白金彩幣 一命仍領布政按察二司事累官南京戶部尚書詳 上允之賜以路費馳驛而回未逾月復召還京 素知福遂緩其事 東宮至南及回 . 仁宗即位驛召還 一至遮道不能行及 賜誥命 王朱

國朝列卿 理問尋陞本司經歷給懷運賛城守並劝勞績 察院右都御史五年將營北京宮殿改工 皆臣等之過乞戒飭法司務寬平無幾陞 統改元永樂以功陞大理司丞是歲旱蝗具言此由刑濫所 桿禦撫級具有方略賜衣服器物以嘉獎之命署北平布政司 賜襲衣命守會州教士卒力田南兵攻城率界邻之移守薊 州後屯衛經歷陞大寧都司經歷 吳中字司正 於蜀還又 中以衆出迎其體白潔豐偉應對明暢 糺 山東東昌府武城縣 命董餉運北京賜帛六百疋八年車駕北征 べ卷之六十二 八洪武戊寅自國子生授營 成祖義旗所奉師至大寧 一部尚書奉 少卿以發奸慝門 一見妆於羣衆 成祖人 四万五六

国リリリン 後十九年以言事件古速繁二十二年 宮殿營繕中言營繕吉事臣喪服未除非所當預改刑部尚書 奉天華葢謹身三殿乾清坤寧一宮并京城俱命董之早暮夢 皆有銀幣之賜 信任凡車駕行幸不以遐邇皆在危從三陵之建皆董役竣事 仍改工部尚書宣德元年坐累解太子少保中事 信任陛太子少保仍掌刑部兼詹事府事賜實帶金織衣踰月 從兼督餉運十二年還京丁內艱歸十四年奪情起復仍合意 勤致疾正統六年功成陞少師賜金帛文綺加繙麟衣七年个 計聞追禮部尚書胡淡賜祭追封在平伯賜謚榮裘 W. Sandari 英宗嗣位以者舊復少保時管三陵及重建 仁宗皇帝嗣位尤儿 三聖特儿 存在

國郊及外系 於奉公其掌刑憲寬厚平恕恒躬視獄中命除穢惡疏桎梏時 **贅畫明於燭好嘗四鼓入朝道遇到鈔數十萬稱者中曰非冠** 有器能者率獎進之先事蓄材以應時需隨用皆足未當缺乏 自正統冰京師多大營建悉出公家有司不知百姓不聞多預 護係屬恒護庇其短有佐在南京當賦造海艘材於江西浙江 并井心之默識雖久不忘禁度有容錐作不較或屈已伸謝愛 食飲戒筋吏卒以時冤恤迨遷冬官職務填委規措經盡條理 江西加數十倍時論謹譁中聞駭愕遽奏罷賦悉給於公屬官 命有司治葬官其子賢世襲錦衣衛百戶中為人 何命從者悉繁以奏話之乃造鈔匠盗實鈔提舉司鈔遂置 ア・発えファニ 八和易誾爽勤 四カゲイベ

|成祖文皇帝學義靖難之初友直時從事北平廉司首發密事 李友直字居正直隸保定府清苑縣人 過所得賜齊時鮮與擬宣德中賜銀章其文日和叛詳達蓋以 相與然治如布素時期窮恤匱不問識與不識與人處讓和怡 事親孝敬常迎就養京師備極崇奉親歿致御祭之榮永樂 于法避逅有見必 愉故大官中貴皆樂親其有容云 命人臣之子入侍 深契宸衷途程藩司泰議賛翊居守據誠效勞樂敵之 Ŋ 1 ラシンフン 皇太孫乃推於其弟雖位貴待姻戚郷黨 聞不以出位為嫌歷事 八讀書通太義兼習律法 四聖古承厚 石全 抈

唇草列卵科 **苛軍民便焉自是凡有營建** 改行在工部命往西蜀總董夫匠鳩工料材寬不至縱嚴不至 慎撫循慰勞人忘其勞而事必就 前代陵寢還朝懇懇以軍民利害為言深承眷遇 行皇帝喪不齊戒公宿降順天府丞壽陛工部右侍那 嗣位追念舊勞拜工部尚書未幾改北京行部奉命代祀泰中 在工部十九年定鼎北京命署兵部事二十二年九月以居 城之具用不問備永樂紀年摩建北京設行部除左侍郎等以 舜應錐隆寒盛暑不替利與害去人 事謫戍四年復原職及營官宁承命綜理沿河輸運諸務悉心 が鬼さナーニ 以董督之任委之友直夙夜敬 八成德之十八年羧事調行 英宗臨御屢勑繕草京倉 宣廟繼統 のでしょう

可引引即记 於官 德初年投蘇州府同知朴實謙和士民宜之以治績壁應天府 治中治事動慎有為吏部尚書郭遜為陛山泉左布政使在任 右侍郎王佑諂附太監王振險邪無恥耳以公物相送在亦懼 不聞風跡而特身無玷與民休息正統六年進工部左行即值 禍 中掌部事 去促防不能裁抑於十 同衆族見習以為常及吳中卒正統八年遂陸工部尚書代 利はなたけら 切替建多主从 陝西風翔府郡縣 年致仕 於振工料 ル弗衰正統戊年九月以疾卒 水樂末年以聚人入太學宣 物質多被中貴使起如水 -

巨电歹所系 年改兵部尚書詳南京都察院 爾書日爾忠勒菩謀素為邊人信故命爾事平進太子 獨石命獎狀大理寺剛往璞充餉勘兵修垣守隊 康定帝賜 為監察御史遷江西按察司按察使 石璞字仲玉 口塞明年已 石布政使正統 **全陽**製 ラジェフニニ 已浙江處州盜起命獎討平之景泰辛未也先冠 一河南彰德府臨漳縣 一年轉左十 八漕河潰沙灣東提入於海命璞治之河决 進士之 年進工 以失匠降副使し 一部尚書戊辰河决禁 太學初 見がけ

詔賜襲衣冠帶有司給燈油房屋皂隸 每月引即已一大。 宏见下上工 變徐有貞倡議南遷被太監全英扶出淵問之徐曰吾主南遷 侍讀十二年選入東閣進學士十四年陛刑部右侍郎土木之 秘書正統元年績成授翰林院編修十年乙丑同考會試尋陛 都督孫鐘管於城西 不合矣淵入昌言固守之策遂見稱賣會房至京城西北關外 兼翰林院學士入閣典機務景泰元年大理寺丞薛瑄乞致仕 人何以得其方 上疏器之以慰人堂二年命主考會試本年華命超視淮 **/質美者三十人入試** 命楊溥榆次得三山薩琦與淵等八人與列 命淵祭其軍及廣退華改戶部右侍郎 命太和王直率之讀中

医古古女 外系 前職七年丙子春于少得病在告 謫 以守之 以守之 月城以守之 諸郡淵條奏三事 **一流上** 一河南為中原之要地北平為京師之 一部尚書大志失望明年 閣每為同事者沮柳常理凝 シタスフェ 天津為北河之會風陽為中都之會宜放操軍 命所司議行三年與易儲事加太子少師的兼 不輕 淮之常盈徐之 非江先生不可淵欣然不醉明日 上諭古內閣求一 代 于 請 巨甸宜選民兵 閣老窺知其 八協同 かり十

刻明可即把一个<u>能</u>之六十二 上皇十月初虜哲也先入短初十至京師連日抄掠總兵石亭 中以楷書生員授中書舍人直文淵閣素有膽略週難不避正 等與之殺傷相當其質長鐵頭元帥死馬虜少沮復遣使言欲 木兒擐甲胄屬弓矢 太上帶刀引祭同復等前露刃夾之榮 和時房情叵測選使房者多規避不敢行榮毅然請往太學十 統十四年八月土木之變 高穀嘉榮之奮忠即解所束金帶與之十八日陞榮鴻臚寺卿 同通政系議性禮部侍郎王復持羊酒往也先及其弟伯顏帖 與復等拜記也先指却羊酒取物是一件 | 陜西雖昌府通渭縣籍福建福州府閩縣人正統 英廟北狩 **景帝嗣位尊為** 太上 一取劝是漢字 甘文 四百八十三

下手ろり 復辭歸 也先謂榮等是小官索大臣于謀王直胡淡石亨等出迎祭同 泰元年六月也先以屢使議和不成仰其知樞密院阿刺為書 虜騎四面標掠會四方援兵漸集虜夜遁榮還仍入文淵閣景 遣其然政完者脫歡等來。 楊善為正使榮為副使榮復議行不辭陛工部右侍郎同虜使 少鄉羅綺指揮馬顯與脫軟等至虜營七月又議遣右都御史 宜迎復虜縱以詐我當推誠 以口舌暁臂國威不屈遂得回鑾衆謂是行也楊善忠義發於 平章皮兒馬黑麻同知哈番等下番議和善等使廣不持一經 一論二人曰彼無善意汝等宜急去二人方囘 一疑其許召文武霍日議皆議禮 上允遣禮部侍郎李實大理寺

划月川即巴 淵下獄謫戍進榮工部尚書時文臣盡行貶斥榮以使虜受知 被甲躍馬呼於市口好漢皆來從我曹家是亂臣賊子當共剿 大理寺卿俸 提兵襲欽於陣前鼓舞獎勵士卒滅賊須史事定以功命兼支 殺我章是忠義臣士不可退避於是從者數百人同孫懷寧姓 五年曹欽謀不執犯闕殺都御史逐深錦衣衛指揮使逯杲榮 亦足尚云還京轉工部左侍郎天順元年 言詞應對不窮有以陰折克惡實為功首而榮奉侍之勇其氣 得人但慮吏部王蝌老矣如戶部年富不易得惟禮部石琄稍 上錐石亨曹吉祥表裏擅權為奸榮朴實知義不入其黨 アダンフトニ FJ 英廟謂大學士李賢曰今六部尚書庶皆 <u>|</u> 英廟復辟尚書子 甘文二

巨草及卵系 裕陵營造承天等門修建董役俱有獨賜荆襄城嘯聚推劉工工 授乎卒授之 史歷官兵部右侍郞天順三年處冦陝西命賛戎務以捷還京 白圭字宗玉直隸真定府南宮縣人正統壬戌進士授監察御 責誰肯出前惟榮自奮呼衆滅賊成功如此存心行事人莫能 事賢曰此人可取且如曹賊反時文職皆畏縮逃避况兵非已 七年工部尚書員鉄一帝意屬主執政者欲舉所知託以歷淺 弱又曰刑部陸瑜甚往都御史李寫亦可如工 |日是亦忠臣七年卒於官陰| **帝日卿所舉乃方岳爾白圭由方岳歷都憲至此不可** えん シーノーニ 憲宗即位幸大學耕籍田開 子錦衣衛指揮食事 一 四 一部趙桀亦能辨 經進皆預付 四百、午四

超制列即犯 間道出賊後焚其營而自以大軍臨之賊萬餘迎敵領其營火 險復雨淖恒先士卒而登至格問城憑高為拒時計路兵會已 伯朱永總兵主提督軍務往討之至南陽分兵為五路主與撫 遂為駭踩亂走死者無數新首數商級生檢獨一斤等獻俘京 師適問父喪乞守制不允特節葬事論功加太子 品作調兼兵部尚書驛 一日攻之不能下士卒聞圭來各看男乃命禪將率卒千餘由 和尚為主改元將偽軍師總兵等號攻切州縣 八週販誘之臨城擊破之乘勝進兵城退入 石至物不妨 **浴事提督士** 丁少保陞從 人果穴

育也先入冠紫荆期人 謹厚識大體 孫鐘管於城西川部侍郎江湖然其軍交此舊將王通為都監 年土木之變 不自安而主未告形於辭色人 主アクラグ 京城西北開外石卒等營於城東兵都尚書三 王復字初陽順天府固安縣人正 一部主事表規收其儀仗怨請 當其自長鐵頭元帥死馬時幾何降附胡 將楊善為副都御史守城虜攻城連日抄掠亨等與 十年通政司欽官以泰對洪売特陛左秦議士 、英廟北狩 人殺指揮韓清等孫祥走死初九 景 (服其世餘評兵部 帝嗣位尊為 一統工戊進士權刑科給事 幾召為丁 一謙督其 、留居者多乘 一部尚書表 1

大宗復 持羊酒往也先其躬伯顏帖木 上取物是漢字也先謂復爾等皆 引復等前露刃夾之復等拜訖也 可楊善等來復辭歸時四方兵漸集虜夜 東聚議我政非世 辞改兵部右侍郎 口牛羊於路以緩追 七日以復為禮部侍郎 六所優特改白主為共部改復為工 四年轉左成化元年 个見樣甲胄標弓矢 不宜则) 先指郑羊酒取劝是番字 冷胡淡 年型兵部尚書時邊 通政可非天順元 從 鴻臚寺卿 開出遺所 部 以向武 车

惟失 美意之所在也 給散冬衣布花即此物耳益以京軍守衛守城者無制造之急 故給與布疋綿花使各軍妻各自縫製以省有司勞費此良 衛勇士小厮 名際於在 則以此給之使其不勞縫製得以克日起行京衛軍 止之兵告介公子俊謂復日府庫衣務之富如此先生何議 此思出斯人千夜日 **〈 介公服其言又一 國師**所且 國家備非常之初意且使恩出 及養馬軍奏乞悉給以胖襖務雖事既下該部 **季四衛軍士** 了官怙龍市思以結構 祖宗之制造方有警應調京軍出征 士既給以布花而又 The second second second 內堅其於 云音示寂在某日 (有以此加厚 國體育 上则好歲 世界公子 非 疏 四

營造墓塔不須 動支官錢糧人 薛遠吏部侍郎錢溥四人妨政失職所致宜加斥罷俱不允上 六年致仕卒贈太子太保謚莊簡 道都給事中張海等幼四方水旱皆復與戶書楊鼎南京兵書 事妖僧繼晓等各以秘術幸管建日與所費不貲略不能裁押 通政成化十年陛工部右侍郎十六年進尚書時太監梁芳用 劉昭宁克明陕西西安府亦州人景泰辛未進士歷迪政司左 例該管造菜落復奏言此僧平素受國賜資積蓄頗多宜籍以 **執奏多徇其意加太子少保二十二年改戶部尚書加太子太** N. X. X. X. 上一不赊潜紋殺之 八以為得宜云十五年六升十)凡法王國師死中國 The second of th

上草を外が アススラーニ 庶吉工 試 謝 部尚書在部未久琴選吏部尚書詳吏部 李裕字谷德江西南昌府豐城縣人 院事進右都御史調南院右 史歷山東按察使陕西布政順天府尹總漕右副都御史協理 保致仕詳戸部 夔字人 《後有及第者輒曰安得偉器如謝某者乎除翰林修撰同 英宗覽所對策嘉悅之握第 工讀中 丁秘書由是所學益與而精 。韶江西南昌府新建縣人 英順質為 右都御史成化丙午考蹟至京進 一大學十李文達公賢尤喜 景泰甲戌進士擢監察御 (天順庚辰 合體三 **憲宗嗣統進侍經筵** 作同光 會試第三 四見十 廷

同月川即巴 侍郎凡制度儀文多所裁定前所未有者必指經據史恭以時 責之十四年戊戌 事 蔽四慎刑獄以廣好生五派妄資以足財用言多剴切 主考南畿鄉試變別精明得士最多當因辛卯是變上 預修者僅十有四人 制具為儀注務使可行一 及實録者成陞左春坊左論德加賜銀幣繼修續通鑑綱 多正前史之謬十三年史成進御陞翰林學士宴資有加尋命 一部尚書政績卓然非汪腐者可比踰年以疾卒年上公 正宮閉以端治本二親大臣以韵治道三閒言路以决壅 THE PROPERTY. 皇太子出問詔稿行諧讓庚子唯禮部右 一夔分修元史凡所褒貶 時同事者咸雅其綠達二十一 依朱子書法 - 疏陳五 年遷

正常 アリネーシュスフーニ 持重初都御史閔珪以江西多盜綠京宜個戶窩聚占恡不發 游尹語人 貧乏自少至老好學不倦所著述不為奇蜗雕刻之詞而温厚 以大魁官學士位司空其言益信但在禮部失身李孜省不復 詳雅類其為人 歸其喪或邺其癸又置義學以訓鄉俗子弟置義田義倉以賑 所司為辯之或材可用而沉抑下係者為諸當道不幸客死為 太子少保證文莊性樂易行人 心無貴賤成愛敬之尤為友誼有誤惟法網不能自自者必語 奏欲併其主要與尹直銜之 八日大韶他日所造吾不及也吾於文學間見之矣卒 人有古源文集若干老藏丁家初從侍讀尹風岐 八接物一 本於誠未害有所作故 五十八

國朝列卿紀 買俊字等直隸保定府東鹿縣人 試不利入大學肄業需用吏部尚書王翺選科道專以體貌為 政紛更狡省之為也而變不免於匪人之比云, 罄名時年幾五十有六鬚鬚皤然不事淄飾清戎御史以其老 振紀有為成化中陸山東副使益倜僴自持不喜結巡察以炫 主推權山西道監察御史居官廉慎謹飭不取非義錢在臺能 故不以實對後日渠以我老將劾我虚認幾歲以成其袖中彈 幾何對日大馬之年八十之二矣御史點然既退同僚問日何 而骯髒又因滿之入也將劾之一 匪市省李孜省密奏里開其為紅電子以是人 · 卷之六十二 一日正色問之日豊富副高壽 八景泰庚午應順天鄉試會 存元

與言官交通之獎言官犯法不少借假御史李與巡按陕西用 論救又會聚求救於壽寧侯張鸞得免死充軍未幾加太子 刑嚴酷捶死人命數多為儀實所奏論死 豪富迄今父老稱不絕口二十年陞工部右侍郎二十三年陞 挟妻子嚴明剛果決摘如神儿軍務區處無遺豪猾屏跡軍民 文之美不亦可乎大學士劉文穆公吉素重其為人 一部尚書弘治初年因劉吉駕馭言官舉劾諸司 朝十三年陛都察院右灸都御史巡撫室夏在邊八年不 八心密屬俊解之廷鞠甲奏覆 年致仕卒於家 一个處決俊倡九卵連章 廷勒時劉吉欲暗 ~延譽 國朝列卿紀 老之六十二 主事璋器度温雅而復濟之以廉勤恭慎大為部堂諸卿佐所 歉且疫璋與司官三人分道賑恤其二人者相繼染疫以死璋 察支吾目前之外尚欠米二十二萬石邊海軍士月糧停支皆 盡心竭力往來經理於其間弗惟亦弗姆也又歷浙江左右布 稱許遷本部則中成化 政使浙錐號大藩然諸郡倉儲甚少璋通融一省歲計損多益 以撫教之稍長即知奮勵以力於學舉天順元年進士拜戶部 劉璋宁廷信福建延平府南平縣人幼失怙毋翁氏居窮守節 領之者恐貽思地方巫遣人告之日錢米區畫已備早晚即支 欲棄伍赴省陳告璋聞之曰此華一行動以千百計而無有統 年歷山東布政司左右条政時歲方 からいせせ

浙民不忍拾因留其靴以識去思璋督遵時河南數州饑饉豆 充 軍 储 者故皆有名無實璋處之有方至是始得沙制合前後三項共 類此二十二年權都察院右副都御史夷 勃總督漕運將行 得米二十八萬石除補足歲計外又餘六萬石其他惠民之政 俸及軍士月糧第因其掌於都司督於憲司逐無有稽考其效 罪也又奏諸郡歲輸戶口食鹽砂乞令無依時價輸米或銀以 後移文巡撫請受擅支之罪巡撫亦當時名卵知其無他不之 處餘糧價銀計數萬兩璋徑支二萬五千兩散折軍士月糧然 給矣敢有擅離部伍者罪不輕貨時巡撫都御史王恕積貯各 上允之又以各衛屯田餘糧舊制俱各支給官吏月

郎陽流民州聚 升所能濟也璋乃造巨燧而高大其帆橋慕習黄河之水者操 河之米往赈之有 境蝗蟲為災民憂無計有夢神人語之 之通運二十七萬以在率復奉 矣及璋人境大南如注蝗盡投水死发老軟呼走告璋笑日 時有例許農民入栗補史華命有司聽其納思 **天活汝我何德馬繼又奉** 手手印出 ,知宋之漕運江不 **T張倫上** アスハントニ 言宋之 朝廷恐其滋蔓特 **青命偷餐運十萬石璋督運**)漕運黃河以達於汽伞宜做此法漕延 八准准不 **勃巡撫四川等處四川亦乏糧貨 物巡撫鳳陽等處既而湖廣** 人汴以黄河之險非江淮 , 物璋往無治之先是其 日巡撫公至則蝗自殄 公倫

巨朝歹卵系 嫡囚誣 萬餘石前播州宜尉楊輝鍾愛其庶長子友為請於 間得銀萬餘兩而至者益多隨給以平羅歲足軍需仍餘米八 方之害乃以其所悉 安寧宣無司而以友為宣撫又築城堡以居之其後友又謀奪 之弟敏及其所親附天家仲家上兵素好聽另而其親屬又有 **弁其家屬發保寧府安置璋以為安寧道路險遠城堡堅固友** 不法重事 友家屬謂巡 一謀主者萬 奏其弟襲宣尉曰愛者有不軌之謀而愛亦計友以 えてフーニ 朝廷造大臣勘覈得其罪狀有 一無以宣撫逐 負固不服而連結其黨與伊叛則不免為地 部方先进友所親信者二人請安寧慰 上上年熙友宜無 朝特置 、者護並 四万八十四

,朴貴大詬而出祭酒聞於璋璋曰風化之地豈容姑息以壞 如方詢之果然乃並出之時得平反免死者凡四十餘人弘治 人之路又榜示天家仲家諭以逆順禍福又揭榜通衢懸重賞 印信以防外侮了 尚書在部清慎待屬以嚴不假色笑六年監生宋昇猛悸不服 有僧如方者被誣人命法司以坐其徒月滿璋訊知其冤密逮 其家屬印信而發遣之其處事精審類如此葬復奉 元年遷工部右侍郎改戸部右侍郎四年陞左尋陛南帝禮部 以購為楊友謀主者區畫既定乃宣示、詔盲遣官請安寧收 風行法司奏請治罪該禮部備查事例議得宋昇兇潑有累監 月丁巳 ラルハントニ **〈遣能幹土官數人各領土** 物省刑 刘大

国南及雅利 皆有毫髮容心於其間故 外事惟觀書以自樂尤好吟詠然亦必本於性情關於風化而 建得璋委曲匡枚而省免者甚多弘治九年以老乞休致 施行 勉雷之疏三上乃尤特加太子少保給驛舟以還仍命有可歲 不苟作也年八十三卒 給俸米人 决大疑公平直諒未嘗少有所屈在工部時毎 徐貫字從道浙江 規刑部問擬違 上是其議七年葬召為工部尚書其在 人夫優龍備至蒞官四十餘年喜怒恩威皆因其人 名えノーニ 后最州府淳安縣人天順丁丑進士四年授 制杖九十正與充吏例同欲將昇送部照例 朝廷遣官祭葬 一時賢士大夫成推重焉家屏絶 恩寵隆備云 朝廷有所營 朝廷議大政 四八十三

图月月期已 部職方司主事成化一 康懿 使二十三年陛山東布政司使弘治元年陛都察院右副都御 年陛本部尚書十 起復補武庫司郎中八年調職方司郎中十一 史巡撫遼東地方四年陞工部右侍郎六年陞本部左侍即力 政十三年丁憂十七年起復補原職二十一年陞福建右布 刑部江西司主事 年丁憂 曾鑑字克明湖廣彬州桂陽縣人天順甲中進士成化元年授 多餘官改吏部驗封司主事十 1/21/1 年加太子太保十三年卒於官贈心 一年陞職方司即中四年省親丁憂七年 年起復補都水司主事本年因 年陞稽動司員外郞十四 年陞福建石系 政

巨克及非系 聊五年陛工部右侍郎信易州山厰九年陛工部左侍郎理部 者又緝內使私鹽十萬引沒官丁酉改戶部丁外與甲辰除 性驗封司即中二十二年陛謄黃右通政弘治二年陛太僕寺 李鐩字時器河南彰德府湯陰縣人成化辛卯年二十有五舉 事十三年陞工部尚書正德二年卒於官贈太子太保 部晉員外那即中奉 鄉試明年壬辰舉進士廷對以純字獻策 曷以省試名太之遂首省元列二甲之六是後多用為例! 願其終與吳文定八人俱宜鼎甲英適次也太字姚文敏公口 授都水主事管河治臨清改作板開易元之朽而泄水 メススファニ 命賑山四饑民多活入 憲皇初政精嚴錄 八流民爲盜者 一門では

南方山町北 罷到 常思陰職及毀山西戒壇聚游手 個男女者又數上 近工部右待即辛酉廣入榆林大掠 怨王公思濟之故沮不果弘治乙卯晉南京太僕寺少卿丁日 宜太幸王端教公恕賢之再擬巡撫內閣劉文穆欲用其黨且 宿諭追還本土開渠灌田萬須民刻石頌德晉鴻臚寺少卿諫 晉光縣卿削冗點之奉抗章數工部有具器用耗財無益庚申 職治餉虜遊選 燕遊籠他枝以雜金紫畜異禽以際梁向此好漸長恐頭正道 遠人負何以順迅邊方觀示以勤惰於亥往山東視漕上言煙 城之壩母毀光河之塞母通茂泉疏水消利可復义請配尚書 一个一个 朝言十事而謂外懷宜先治內今盛齊醮皆 旧六軍逐之命祭憲 上言便

下与外外系 山之殿內供之供造軍器於南織網綺干蘇公漁那課私責民 幹國者乙丑夏,武宗即位錢還 償內外釋騷中原起盜豹房僧寺鎮剛延壽凝翠太素知彈刻 途其忠母徒溢其扶開者取之然是後侯幸益雜修建大 有安龍踰分者危公論宜之則榮衆指班之則母君之於臣在 奏起掌工部壬甲加太子少傅四解乃允其第二狀日德稱位 等值劉瑾用事踰年戊辰致仕庚午秋瑾誅魏彬掌问禮監印 梁溝澗開荒田舟河流周不備其 樹前諭肯鎮至邊首衛將次廣儲乃治壁豐餘器械守險監 タスコニニ 命作泰陵丁卯進工部尚 上謂可馬大夏曰鐵果善 ţ 一命鎹往召 四月分

に組制明即にして教えた十二 监色界金碧文石釆瓦窮麗極奢錢曲意徇之不敢裁執癸酉 賢能露臺而者陪帝之敗開汴河而致益民之所致惟財與力 成內宮 力竭則懟財散則叛令無徵矣顧可又促之屢請姑停他营併 加太子太保甲。戊內官災新作之值他役並與具疏曰漢文之 年八十有二卒贈太保謚恭敏錢有心思計等量物平價擇舊 害不出戶庭不燕飲無音樂蓋性節約老不渝云戊子以疾終 即位改元嘉靖七十有五致仕歸八年春秋祀墓外靜坐觀 一錢與議不協而比之養泣恕於 一役繁與與奄竪相比積造成富被盜刼掠捕獲皆宜 ·或奪棒示譴或閒從一 上乃直錢不完辛已 二幸間劉養以太監監各 王王 五十五十二

記す万万万分 洪鍾宇宣之浙江發塘縣人成化乙 辰入 官兵六千人歲省翰縣偏賞之貴以數萬創建浮橋於通 沿邊諸縣官無浪費而民不知勞自是緩急有賴又奏滅防秋 **墙自山海關直抵居庸延垣千餘里繕復城徑二百七十悉城** 慮 庚子陞員外郎仍領諸司事及卯丁內戴丙午起復陞即中 銀而不敢認識者情其有才無守云 右副都御史巡撫順天等處兼整飭薊州諸遏備乃建議增邊 利病涉毁永平陶客以息軍民横役之苦辱民產及牧圉草場 囚山西弘治已酉陞江西按察副使癸酉陞四川按察使丙 47 7 7 を下げ 一時福建左布政使歷都察院)未舉進士授官刑部主 Ø 事 葬

之侵於權貴省而悉還之遠近大悅改雲南巡撫再改貨州垣 者至今謠曰才寬斷朱英及去民慕之後正德二年以副都御 談笑應之有民失金於食店急白寬寬仰見腐飛又有蜘蛛麼 史巡撫甘肅地方自許襄毅經略哈密以後號稱無事及正德 仍董漕政戊辰 **西安府知府惠民禮下畫接訟順夜則飲宴遇事裁决如流皆** 月月中立 A. 宽字汝栗直隷永平府遷安縣人成化戊戌進士初任陝西 政北京工部復改刑部兼都察院左都御史詳都察院 1店中必有姓朱名英者得其金詰得其人果出金以給失 召還督理漕運兼巡撫風陽諸處正德丁卯陛右都御史 命掌南京都察院事葬陛南京刑部尚書戶 : : : ;

匹克及非利 **司辛亥陞順天府丞甲寅奉** 總督 濟志成化甲午領鄉薦第二 **非亨字嘉會山東濟南府新城縣人** 郎未任復改兵部四年陛下 主事乙巴陞本司員外即丙午陞本司即中弘治庚戌改考功 **迎 瑾養病命以本官無副都御史總制陝西三邊軍務詳三**是 任情裁決綜理未固三年改撫陝西條彙初立尋遷刑部左侍 初曹元繼之結黨逆瑾偷處恬逸無復宿謀於是好孽漸前官 ダオフー 七年時諫垣有躁進者素啃之且飲得其缺以 一明午登進士戊戌校吏部驗封司 一部尚書俱踰季而遷食楊 命捕蝗忤權貴為所中傷 八少遊庠校讀書學問名經 ラ 一清作 四百六十二

國別列即紀 一天 卷之六十二 鹽船屯集處驗計型問之數維牌職以次請所稱擊獎用以除 適開中鹽引五十萬權增本家僅競先自占三之一亨日利均 服東山青谿二公素慎許可特被召入朝語人曰一 盡功多 詔賜彩帛十三年轉浙江在布政使先是歲造官改 **畢運使耳十二** 則鹽法行渠先得此如後來鹽引何時李勢焰葉赫人皆為危 花觀裏長廊下千古清風滿素神之句武靖苗賊構亂督仰替 之不聽鹽法御史委罕真州所鹽乃突至稱驗之無他益加敬 一萬貯司年久避祭莫敢赊解毅然當之咸嘆其難浙中機出 一年轉制廣方泰政淮人為神去思贈言者有項 一路好官惟

直抵城下開門屯師於郊今士熊牧有餘勢富於實以充儲時 侍郎湖廣河南災命兼右愈都御史巡視至其地區畫無遺策 祭命有司營葬事以為一 軍威大振虜遁去十八年太淑人與安陽公相繼效遂以憂去 匿占三千人又簡丁餘為邏卒莊浪有警踰時城畫閉乃率師 內帑賑給既有飛語中傷者事白而清標愈厲矣十五年改俠 境頼以寧比還當改兵部時逆瑾欲引鄉人謂吏部曰此人性 西左布政使未任陞都察院右副都御史巡撫甘肅閱士伍出 公歸治喪軍士泣送之曰公去我輩不獲生矣上聞 剛不宜此任四年仍改工部葬監尚書五年庚午有玉帶之思 一親榮正德二年服闕陞南京工部石 遺官혧

見一亡命曰此盜也一訊而服政少服輒及經史為員外郎時 未幾種敗上其不法事請釐華誤及請封立洞例遂得罪能歸 常使 淮府行册封禮饋遺一無所受為即中時 憲廟上宿 亨才識過人數歷中外所至赫然有聲初為驗封主事巡南城 長子右副都御史昭等日吾官惟有清白吾祖父以此傳家不 風裁凛然錐瑾之好兇亦不為挠既遂開陶然無所芥帶乃釋 朝士有為詩哀詠之者索和不答或問之曰哀悼不暇何以及 子姓教之於有司事一無所預士大夫九服其高乙亥卒遺命 詩其識大體類如此其進尚書節財用嚴門禁省徵派杜詩託 可改汝華讀書要採見義理方是學不可替也勉之我死後個 生育し、

國朝列則紀 使十四年陛福建按察使十七年陛浙江右布政使十八年陛 弘治元年陛山東司員外郎二年陛陕西金事六年陛陕西副 陶琰字廷信山西絳州人成化辛丑進士授刑部四川司主事 **季**政刑部尚書詳刑部 林俊福建莆田縣人成化戊戌進士嘉靖元年起任工部尚書 福建左布政使正德元年調山東左布政使本年即都察院有 被誣遭抑迄老不爲屈有古大臣風 聞取价正直之操出於天性平居接物有禮而嫉惡太甚以是 勿煩賣 副都御史巡撫河南地方二年陞刑部右侍那開住五年起的 朝廷求奉祭言已而逝更不及他器識英邁好學多 が巻之六十二

國朝列卿紀 人 影之六十二 左副都御史總督漕運兼巡撫鳳陽等處地方六年陛南京刑 部右侍郎七年陛都察院右都御史巡視浙江地方九年仍改 總督漕運兼巡撫風陽等處地方十年致仕十六年仍起原職 靖元年遷工部尚書加太子少保本年改南京兵部尚書詳南 京兵部 照舊總督漕運本年改戶部尚書兼左副都御史仍任前職弟 趙璜字庭實號西峰江西吉安府安福縣人 **嶽聚葉日有造話當讀書僧寺有買想佛殿遺** 牛里許不溺見者驚異十歲父補富順教論就傳苑馬獎公維 リゴ人 (志時父恒齊官蜀之點江過石首升駕漲清璜墜水流 ; ر الر (五歲失特即英發 囊盡琥珀 胃之

詩經歸安福專治春秋作解順若干悉學者心服執經門下者 立義塚岸無露骼丙辰秋海改兵部武選勵清標精選法吏看 之供應原米之外蔬果不入迎恒濟就養秋毫皆出自俸資創 地璜召至諭以法豪憚威華心無敢後者往來中貴魏送悉卻 治庚戌中會試第十一名登二 物璜拾之踰時買索囊驗買還之買探囊以謝歷之而去幼治 司主事督呂梁洪置夫數十半為土豪隱占甚至侵偏署傍除 日益以界成化丙午以儒士中鄉園亞魁錄經義以式承學弘 陽馬公極器重之過重務與咨籍稱善草疏多出琐手薦堪士 **飲服罔敢售其好戊午遷職方司員外即週例實授大司馬釣** 一甲進上拔例歸省癸丑授都水

图打印即巴 用し 於色積誠所禱輒應乙丑郡人告蝗蝻璜曰此吾咎也修省額 知府府有積年舞文為政靈守莫能制璜預選更農性飲者教 籍及久之潜歸有司獲以解府璜祭非其罪密使人緝得渠惡 神限期蝗絕比七年濟南無歉歲海豐有殺人而逸者誣逮者 之法律親為改格擬踰月得可役者二十餘人遂盡逐之宿弊 伏辜戌者獲釋撫按藩臬凡有大政疑獄悉以付璜如漢庶 屬官嘉善而矜不能作與學校誨以作文讀書之法士子成才 犁然以苹處同僚以和每救正弗速或有變故者從厚周之遇 科第倍昔辛酉甲子兩與蘇外程文多出璜筆毎遇旱災憂形)未典會試文衡秉公竭明以得士稱庚午陞山東濟南府 **一大小八八八八** 三 ÷ 甘文

恒草万啡糸 **貴及勢要**印土有司不勝其凌逼乃懲其一二自是驕恣者屏 毫釐爽後錐逆瑾查盤羅織竟不能中傷丁卯春陞順天府丞 **弥辛未陞右僉都御史奉** 苦之數經勘處依違弗决璜竟歸於民民感念至飲食必祝領 田里環堵蕭然瑾誅臺諫論薦 行無留獄府庫積銀至二十萬有奇廣東三倍之册載詳明無 之而民獲安堵尋有二巨瑙以選婚至郡皆憚璜弗敢肆虐牲 守中貴舊蒞臨清欲移鎮省城以張威納賂璜曰撫按以計寢 牧馬草場舊係屯田給佃於民息入官 えスプーニ **勑巡撫宜府地方有權貴恆監利 召復舊街署京兆印治多中** 王府灰行奏乞百姓 野なり

國朝別解紀 人名七六十二 申山東冠起 攬納軍備事發奏建數百人 然力謀修理廟貌一 **藩泉中賢能者分賑之脇從聽撫横死者掩遺骼表節義以敦** 璜以去就爭之得免乙亥黃陵岡河變運追幾危權工部右付 其業番僧怙寵奏乞起科充齊糧旗校肆威恐嚇有司英能制 風化凡徭役徵輸悉曲計處之民困大甦會關里災璜拜謁惻 值倖臣錢寧今家丁鬻鈔璜禁弗得售遣人偵之無可指者黃 那無愿職奉 河退灘地數百里最為沃壤璜令有可集流氓使墾為田許後 粉總理受 廷議推調撫奉、物以行父老歡迎感動琐擇 新止鎮守巡歷所屬而華其歲取柴薪之 八璜親輷之置諸法逮者盡釋之壬 命之三日即趨河上 手 一躬率官民 周城 即うとナス

營建 解錦衣世襲之陰受飛魚麒麟全帛之 **熏設法服濟活機李甚衆還** 曠疾來謀的將領計捕權貴於此宿冠以敢內梗軍容於是整 月胼胝水勢稍退貽文河伯與共責任數日在流壅沙護岸三 部左侍與署部事 房酒店保安洪福諸寺院洎諸謹奸廬合以備 修濟城池街道溝渠以至宗人 河南還 乾清 、以為神逾年白洋河口警報沓至奉 賜羊酒膳饈嘉劳川体 坤寧兩宮設法州延省費不費辛已 廷試充讀悉官奏毀鎮國府玄明宮并 朝佐理部事奉 人所詹事府國子監城隍廟氏 級具辭不允是年轉本 賜 世廟踐祚迎扈 命經略罷斥 物督運大木 國用以紆民 兩宮成

朝廷有大與作皆自計畫藏損居多乙酉冬一 切り川に、アミンフェ 遣中官賜羊酒累沐 明年仍充 製洪範序 稽者璜令司聽四司各立文簿互相稽察宿樂產革好盡几 幣之賜議處營建 堅丁亥怨辭乞休荷 民天下陰受澤率類此然秉公持正多件貴人意由是去志益 石全名完節士林高之明年遇恩例進階榮祿大夫瑞領原 獻皇帝春筆皆一 新華之京師改觀嘉靖工午陛本部尚書侍經遊 廷試讀卷官工曹錢糧百需所在出入 仁壽錢糧幾百萬皆取之府庫不徵派於 優韶褒榮仍給驛選鄉歲隸六名月米 恩賜文獻通考敬 一時殊遇也 **箴**資治通鑑 一品三載積奏 世廟工成再領金 、頻繁設無 利力

國朝列兜科 古卿看舊老成門 部起復任六月二 靖年七十 數歲木無運至至者又多空朽時永順宜慰彭明輔進士 **開述云正德中營建** 激 **凡五年臺諫界章薦起壬辰夏四月工** 川湖廣貴州三省分採大木侍郎 日竟以疾不 除根皆堅實美村頭號圍 國恩惟焚香遙祝冀 小起計聞) 有吉起用宜 十六日使及門璜棒檄流郊具疏以疾辯荷 乾清 *'* 命官諭祭營宅兆贈士 一即前來供職不允所辭至七月七 聖壽無疆 坤寧等宮工部差郎中三月清 四尺 一部缺尚書特 員總督俱領 前星早耀而已家居 一號圍一 古下吏 10:4.2

到月月里 往往逃避錐有閘河於塞難運工部差左侍則劉永修添費何 堪起派自灣至神木厰陸路半日之程大車 餘至張家灣十日之程 大息而ピチョ (尺不等至天津河涸水僅三四尺餘楠木沉重食水五六尺 雨迄無成功在部及採木堂司等官俱停俸尚書李公錢 會議請 人俱長四丈五丈不等共百餘根條俱三 任其事明日李公對衆抗言差趙亞卿事罔不濟界日 Ų 東京コーコニ 勃差子提督運大 根索價七二 國初營建大木俱取於三省豈神運鬼輸 大 價 費 人木子乃護領天 十 兩甚至人 兩近京地方公私空匱不 、騾被壓即死車見 一號四號以 人津三衛下班官 一輛併作 下圍 孫文

恒克及り糸 皆賞罰等項事宜議悉奉 有啓閉士 者云取大 甚速几十 亦從之 軍運木以 **凼幇横施三楞木於上** 香閘河丘 凡百餘船 木由間入尺數日抵神木嚴複 、剥船貫土其中壓之 蘇地方派夫之苦疏濟閒 餘日抵灣風止浪平木不可動人謀神力實兩濟 又有獻議者云土遲以軍代之合散特 修大七間惟河 就緒所省公私夫車僱價 シススノーニ 一用纜紋結去十 而就時順風驟作湧浪高至數尺 欽依 口無閘水易傾寫乃作 食水四尺許好船約一 比至天津河涸木鉅有獻議 河運木以免僱車之 一船起木隨以浮錐淺 、打截運人喜基厰造 呼吸間 一費餘 閘 晋公七

对可可中巴 書三省委官備悉大 堪何辭以解以此在部及採木堂司等官俱被祭停俸予乃寓 開多出主事孔鳳之 木多歷年所諺云十楠九空有地空止下截空有節空止中截 出水必須採伐在山候霖雨降洪水漲衝出水次方可運也 楠木時三省近山屡經採伐無大楠矣惟遠山有之險阻不能 幸甚蒼生幸甚 而 計者因事納忠惜難得之材罷不急之工蘇困獘之民 **空若天空則上** 宮殿落成神太 一般ないとして 市下俱空矣一 个厥始有堆積大木前此所未見也惟司國 人木平宜自此木皆堪用官亦免罰不數年 (計事頼以濟子奏薦之 一木採運不下千兩到京空朽不 三十四 王翁

回电歹罪系 濟數月工完金水玉河流通澄澈暖復舊觀具題 部侍即李昆議動團管官軍數萬疏濟題奉 城九門城河亦有於塞之處命兵工一 彭澤到任會圖營內外提督太監張忠總兵郭勛議團營軍了 具題 齊時朝然禮廢無濟之者嘉靖改元子以付即署部 該動順天府行所屬州縣起民夫疏濟子聞之一 內閣楊石齊蔣敬所毛東莱與予議事及之謂當游也予退而 又云正德中承天門外金水橋內水涸沙於茂草生焉與闌 日公耆舊重窒文武全才郭張一 上命少監崔文同子督丁 が失スラーニ 皇城內大小河溝通行疏 一部會議疏濟子即會長 欽依甫下尚書 笑彭日何笑 上命以都 日早朝 四代六十五。

衛 順天一府之民除投充各項差役外所餘無幾若驅之以就木 文侍郎童瑞督工 內外提督愈從予議會題 相須城非軍無以守軍非城無以保以軍游池不易之論於是 泰以來休養七八十年矣借用 同見戲耶彭日 月月甲ピ 公誤矣偏州小縣民多軍少故有此例今都城之大百倍州縣 |之工惟有逃移耳根本重地由此騷然誰執其咎營軍 一士夫中亦有勸予止者予曰不然六萬軍不 指揮楊言河工官軍 アスンファーニ |各處修城軍三民七係是大例 豈見戲耶子日 一給事中儲是御史削的監工工與未幾旗千 日死者十餘人軍不堪命宜 上允所議命惠安伯張偉少監捏 兩箇月無傷城池軍馬一 ў. ў. 才

恒息及卵系 農為 短兩日無一 官於右社門張崔亦欲停止科道惟子視子曰夏月熱入水桃 言惟秦戸侍言四举針線密勿易視之孫不然其言及子會各 未晚具題 自正統以來未濟今通流處少於寒處多中間沙與岸接幸如 **泥頗便且日長** 死者一日十人 工苦軍妨農且土王用事工不可與請暫停止候至秋凉挑游 几興工 日之工況土王用事四時有之夏秋 ア発えフォニ 一必妨農今也兵農為二 命 不多如何停工時戶部尚書孫交題稱六月 日有兩日之工秋月凉人水桃泥甚苦日 上部會同內外督工官議處六部中多如孫 處刊不 一錐與工 一於農何妨此 四百九一 連

督工將各房店營寺拆毀料物還官又朝陽門外有玄明官德 之餘彭司馬始信子言不安孫司徒亦覺已見難行葢內閣三 利道力贊其 勝門外有士 老知子處事頗有微長而戶部二老不予知也 完九門城河淤塞悉除通流無滯中外臣民快觀喧傳復 行界日然但合用夫匠數多當作 各委官議於 第委官計工浩大且涉禁內宮中人懷顧忌予以侍郎署印會 又云嘉靖吹元 別卿紀 一个卷之六十二 - 景山等處宮寺亦在數內 關左門下予日此今日第一 今上首詔工部內官監錦衣衛科道各差官 部下中外臣工稱快 美人 一新政臣工當志素 王杰

耶千 駭傳委官歎服莫知所自時予領 寄收候有 健助躍赴 非諸委官未 并子信 **邓夫匠千餘空開又** 在外者本部委官收候乃借修倉夫匠明日大倉夫匠數百 口在我又日供給不貨當討錢權充費亦當從處了日在我議 - 貴意出 一日後通倉夫匠倍其數代之 上勢如破竹不數月房店營寺宮廟蕩然靡遺中 \禁地搬運物料倘有睞虞不無景及又作何處子 一作於此取用該監委官收掌免移出外豈致疎慮 代前項夫匠於拆設工素稱慣熟班軍义皆北 領 子即議內府拆毀物料就在內官監各級 勑領天津 くナ 物提督修益京通二倉工 日後又借天津三衛運士 一衛下班軍萬名運營建 はなって

大木亦以大木未至空閉月久故拆毀工 **亦造化之冥助也璜非非材得乘此以效微券以塞** 污我神都禁地久矣電掃霆除宜有待於今日錐機會之 侍郎俱巳書題字付科寫本而李劉俱致仕去該司請予首愈 千兩 又云正德中御用監歲派料價倍於弘治以前之數不下五六 監差二三人來言稿已看定付本科寫今止換本頭來大監上 非平生 各有月支口糧不煩供給省便如此此豈偶然前項不經不法 **今上登極工部題派稿尚書李錢左侍郎劉永璜以右** 一大慶幸也哉 W.J. 1121 .1 明詔豈 日該 毛士麦

陸朝列州科 之花椒木何月日造琵琶千日 刻神道子曰 覆作急進于日取稿看上有查稿字該吏即將弘治稿對差 遞年歷費經該人員祭請 內相共賛其成部中止縣弘治以前稿題派貴監倘不依定將 一人回申意老太監十餘年來天下軍民困與皆科派冗濫之 人至道界太監回說都依部裏老先生主張議同盡將正 が考えフィニ 數削去題素 聖明御極光復 | 不好鬼神三人語寒子日事冗不暇 ||三人說遞年派定不可減予指數件難 上栽來日爾三人 欽依派行天下其他監局年例 **和宗節檢之風正在今日惟賢** 上不好音樂楠東木何用日 八再來知會次日 四ちられ 國別川即北 豈能丕愛至此宗祉之福夫下蒼生之福 官作悉從寬門自此該局好歲止 也初派歲用煤柴等料就併鐵料派行自是歲以為例該價瓦 拘獲官作赴部取供併祭該局內臣以聞奉古依擬改革內外 又云酒醋麪局竈凡若干座周圍鑄鐵磚成造面與門皆鐵版 言于揣知其意屏左右問之乃以實告磚係鐵造可經百年每 六千兩子初轉尚書 價悉照弘治以前舊則題派所省歲以 即遣即户金藻押告者徑話帶工司盤出見年多派料物 派財費民疲利歸官作不下萬兩今經若干年矣言甲予 でかれたかけい 日放牌罷有 一派造酒酯等料鐵磚等料盡 人數萬非遇 人持状跪堂下欲言不 新政清明 毛士徒

距車及明光 價十 進 理其事人 官管領而總領又告設有府官工部又 章除之歲省五千餘兩將來不 濟東兖青登萊等府愈夫採辦供應名砍柴夫各府屬州縣設 **几該價四十レ 〈云惜薪司柴炭以供** 入該司往往 兩僱車 公署住劄易州地方名曰 七兩其價亦重矣赴廠交納官為召商每萬 アダスファニ 作完報又攬新價以補舊數大率好年 輛須價 內府煙變之 兩解運到京欖頭領價二十七 可數計矣 山厰炭終具完過敷造肼親 設侍郎一 用派該真保土 一員領 八名河 勑督 田みセナ

准取回止以那中代之該可又有內官柴炭前此已准折價甚少 利用用記 商完獲實收方給價銀每一萬斤止給四十兩柴無拖欠價無 毎憐之思為之處訪得後軍都督府給派有該司柴炭遞年召 其與亦大矣利歸攬頭害及委官老死於殿妻子流落他鄉子 欖召商完獲實汝方給價銀每一萬斤省價七兩自此有完無 欠該司所收一 侵費法良價省予遂做之題 定價不等今亦幸攬召商減價所省不對有完無欠積換掃除 州縣委官止存十之二三餘悉裁革起送改用近開侍郎亦 不在此數本部又有即中坐臺基嚴管次光禄寺等衙門柴斤 The state of the s 一年之數過於往時數年之積後又題 准通行該殿革商停車在京華 准各府 幻見

回克歹罪系 價多者五百兩少者二百兩工 **碑亭之類正德年間權璫用事比照文臣造葬事體於工部支** 順天府後軍都督府各派夫支價共約三四十兩給與造葬差 齟齬奸攬之拒抗欲以獨力勝之亦難矣 始盡各項柴斤奸獎淵藪百餘年來未有清之者璜於此費精 派通州抽分竹木厰支版木縣廠支號馬鞍山等灰廠支灰行 神任怨謗多矣幸遇 那借月積日累將及萬餘嘉靖初子 員督工中有効勞年深勤勞顯著者添造享堂而止無 司禮及近侍等太監病改 が先えブーニ 聖政清明以此得收成效不然中貴之 一部不敢奏派但於别項料價内 署部印節該太監乞恩不 先帝亦有恤典該工部題 罗什

外月中中記 責該吏查出舊稿乃懷恩例也遂照此題奉 敢二三如此類者多矣 利益無窮此皆仰伏 等東殿每季該匠五十名折價九十兩自僱匠作應用積襲歲 時矣然必處之 又云工部班匠每年例該分檢 以前事體各該衙門應付數各不多本部無復那借之累此錐 人以爲舊規嘉靖改元 事 数人俱寿 朝廷恩典不監 アンコンドニ)停備未可輕舉未幾司禮一 **青如前子綱謂** 宸斷於上以此中外臣工奉行於下 祖宗舊章不 切獎政俱奉 內府各該監局做工 新政清明楚革佰獎此其 小亂工 詔例釐革惟此五 덕 一太監乞葬事子嚴 一部錢糧不耗其為 欽依悉復弘治 敷各不 刘位任

陸南列卵糸 校年見開然數以危言恐各司官吏作等有被逃緊者刺提以 事耳非楊即中之直不敢白非芮太監之賢不能從非 重託匠價雖微終係宿較不請敗正他日訪知視予為何如 敢 清德芮聞喜甚遣人齊刺來謝自此歲省匠價數百餘兩此 東殿芮公賢覺之兩次密遣謹厚椽吏問子子曰舊行事體豈 緝事衙門無敢議者一 新政清明中外臣工又豈得翕然奉行 以此查照舊規送匠候有修造即中支價應用如此應不累公 碳子曰當華乃令四司送匠彼有修造支價程匠與用廠中原 **槩釐華但公守備留都清聲美寒中外傳聞今受** グ発之ブーニ 日管籍可即中楊最言曰殿中匠價有 行如此也 11 朝廷 アスナー

國钥別 卿紀 緊急各該地方多事徵解恐不及期為照安陸庄田祖銀數多 題奉 料 外臣工交慶 亦不准予退思所處議得墳價悉照巡撫議擬派徵但今 合無 兩廣東二 有庄田租銀不下數十萬兩詢之中官戚里皆云無人敢討討 又云安陸修造 予署部事適當 一餘萬兩除見有外計少九萬雨派本省四萬兩江四三萬 欽依料價准就於租銀內支用免於於 面借用濟急 一萬兩題請 大をを大十二 今上視民如傷從善如流如此 新政之初千載奇達當月常包 基王某公主 一面派行各省照數徵解刻期補選等囚 聖裁事下工部議處予聞安陸添邱於 一墳湖廣巡撫黄中丞衷議該 命有優民命下 頭者不可殫述 5年7月 0.0....

į 補 守制八年起陞湖廣右布政使本年歷河南左布政使十 童瑞字世奇四川嘉定州犍為縣 六年陞本部尚書七年致仕 **蒼廣洋衛千戶家金陵縣性資澄期弱冠領弘治壬子郷薦丙** 劉麟字元瑞號南坦江西饒州府安仁 陞順天府尹十六年陞工部右侍郎嘉靖元年陞工部右侍 戶科都給事中十六年陞浙江有祭政士 反登進 陝西左条政四年調長蘆運使五年復程廣西右条政十 ジノダ -年陞本科右給事中十一 上觀政虞衡時科道 魔洋等論劾外戚張氏驕微礼 一年陛本科左給事中十三年陛 八弘治庚戌進士工科給事 一八年守彻正德三 、南京廣洋衛籍父 中をはなべ 车 车

國朝別卿紀 人卷之六十二 蒙一發惠耶既去越人肖像為小劉爾配之求太宇王海日翁 数百人正德二年世刑部山東司郎中三年陛浙江紹與府知 為之舜威微爱解葬丁母憂制終除刑部河南司主事十八 華紀其事於石歸值歲侵饔餐不給士大夫相率曰可使劉元 在部時以專觸竹及出守又不修謁棳即中時項事點為民越 府抵郡躬理簿書清刑狱裁供應前五月民旨獨方逆瑾街公 陛本可員外郎錄畿內囚執法折中不拘成案疏雪宽抑無處 道而來諫議帝王盛節一旦沮壞後有利害誰復敢言 作肯下詔獄拷治甚急公與歸安陸見抗章申林大意謂通治 人扳呼如失父母爭致應公笑曰勤苦諸君吾治不及劉龍歌 7 様だ 敬皇

其便議隨寢公乃聚侵漁括逋負邊儲竟以不乏十年權雲所 冦 遂於吳與安盾九年服關起陛陝西右泰政屬關內機廣數入 民者獨然政耶公不答適陝西有赴關陳訴者 命下公共阿 瑞至此耶湖州吳子犹施子侃慕公素行迎入湖相與論道蒙 以為喪檄諸司治車馬資悉却不受會宸濠構亂先克師安仁 可靖逸本以為民令若此恐內難作亦可慮也貴臣變色日惡 起補西安府陝西戴之如越六年丁外艱都愿藍公章夢其無 山之董塢與開中孫大初宜春龍子霓結社為湖南五隱理誅 朝遣貴臣督兵議軍的將加賦泰民諸司夷敢持公曰不 年致仕十六年嘉特更化起為太僕主

語門り取己 門見雙縣倚戶飄香或道問曰此為誰從人 疾留妻家侍獨旅寓每退食焚香如坐禪室元輔楊石齊過其 地方的励屬官節財用存驗贖為備荒禦虜計幾甸以寧因疾 作四上疏得允歸六年丁亥再起大理寺卿七年陞刑部左侍 除者悉訪才廉充任先是四司銀貨各在所司儲之出納各任 郎本年陛工 司屬自檀樂日滋卒難稽核公上疏創建一 司之財貯之特銓主事 員專稽其數 八致意去嘉靖二年陞都察院右副都御史巡撫保定等處 一部尚書公遇事不避嫌谷白吏部進退其屬凡 MAN LATE 上嘉獎賜名節慎庫自 一人與御史一 一員同典出納又清侍郎 是財無虚耗可屬 打した 庫逃在部後刷 八以公對楊公歎賞 張护

貧為築讀書臺邑令楊君上林又為之建堂日廣心亭日幹露 其甚者十二 與之瀆南坦 城郭郡邑之政統口不談公卿臺隸推公行誼頻薦於朝有述 陵殿宇渗漏以興工在公視篆時追論落職閒住退歸寓居長 局自有常供請停便作 因阻涉乃架橋於門曰龍津劍德嘉遞謝絕塵事非慶吊不至 切齒八年已丑秋七月 輒消典式不受覆裝公考據前章或議罷或議滅不輒徇又 免於贓敗部中每歲内府二十四監局上供料價并不時題派 一事條上得 ノ発えジゴニ 室類如家無儲積郡中萬君雲鵬候之重其清 古裁之省費十之四五中貴人 上遺近雖督造龍袍於蘇松公謂監 古物致仕十年辛卯安陸大雨 八由是 四百千九一 浮 젫

間久之屏表裏班如遇文儒至則展所蓄諸名家翰墨欣賞終 以告者若問聞馬滿室惟圖書數卷朝夕省玩有所得輒音所 能管索及文翰林徵明繪神樓圖字之日高明所廣其義集古 詩擬盛唐書法宗羲獻尺牘片簡人爭實之及山棲日久心鏡 然超脫於風塵之外若文冲泊雅波中有奇喻氣皆具與神會 詩十六題以自況又題其相日半壁時觀我學學日可富養流 書曾點接春者至啄而歸一段懸於正寢朝夕相對怕然自得 **登徹妙契玄理以故聰明色澤彌老不衰至辛酉歲忽** 日日吾堂不實金玉不襲文繡敢以此侑觴晚歲好樓居力不 八莫測其故至四月二日無一語及家事神清氣爽而逝視所 一日命 長れ

國朝列卿紀 書數束他無長物又二十年觞子峴山逸老堂了無宿具旋以 李黙曰公僦居溧陽皆遣門人候之公引至臥内見四壁惟柱 惠宮保王浚川柳公孤處虚與而天地萬物變化之委瑣冥昧 懸養前知也享年八十有七 文質君子是皆觀公之深者 靡不灼視洞辨施而行之無所不極太宰既宣李公稱其彬彬 肯位列三事以功名始終此與東年劉祖**榮何**異世稱二 其然子 似公幹治財似士安剛介不捷似器之至於康約省素家無餘 乳羊博市沽風雨蘭蕭欣然達夜其風尚如此費以爲公掞文 成を之六十二 上聞賜祭葬贈太子少係證清 四方本十五

章得象之後生時有豝產象形者其祖松坡公喜曰吾家始自 宗伯楓山翁授以易學講說輒能潜思究釋至夜分不寐又履 授以句讀數過輒成誦雙瞳炯然亢日光不眩人皆異之伯太 丞相得象后是子生有豝象之異此其兆也童子時類慧絕 辛酉鄉試次年中壬戌春榜釋禍南宮以外艱歸哀毀骨立乙 縄蹈矩事無巨細咸恂恂不苟為文章不事險怪下筆滾滾數 之立碑記其事正德丁卯改刑部廣東時逆避盜政士大夫重 千言而理自足提學趙公寬兩按金華校士以異等薦之逐發 国行江 人其先出浦城宋相

同古 足不敢出氣拯曰擇酮莫若輕途以決對不覆於瑾誣以復命 章程以考東樹風聲以彰教而賢者慕不肖者勸焉錐貴游 兵車駕大為冢宰楊邃菴所知陞廣東提學既至倡率標的 貴方横多駕馬快船隻上戶紛然受害拯痛裁減之權要莫能 遲慢下錦衣微數月調悟出別駕時夷僚數百人 司勳主事六年性南兵武遇司員外本年陛南車駕郎中時 一以私民 万明新 /桓寧

解以中原

企起力

發大司馬

講

完

我

或

尋

改

也

也 1敕不敢干以私嶺南人至今頌之東湖吳公 シタスマニ 前廷大義称遂解散五年瑾敗遂陞南吏 不置乙亥遷為右条政撫循五 、叶噪於馬平 四九十二

期別引仰北 一次长之六十二 格不報追左轄江公潮至私語其子日章公此舉人所難也嘉 戏之看從多所全安捷 盜起為刺鎮巡委提督諸軍逐懸兵然1 院右嗣都御史撫治郎陽嚴武備與學校三年改蒞清寧理河 政嘗視家直指使者微獎庶僚則按其可獎者施行之所否則 版里
原萬年建甲第會派省藩美餘一萬兩茲以
府西地齊甲 貧素無積財難以到之惟軍門有犒賞餘銀乞將協濟以甦 图巡撫張公嶺從之不煩括索而上下恬然時論避之陞都察 一年陸廣西左布政使至日於信例務省約裕民 **對** 型体 級賞資有差辛已轉右布 、持其巢穴取渠首而 里大 朝廷為 沿沿水

平月以外的 · 使九河常如故也後世或塞其失或隄其甲或疏其派皆隨時 濟孫家渡趙皮寨等處而後刑隆黃陵張秋等口可完亦公 救患者也以治初河决制隆口又决黄陵岡又决聚秋當時當 患亦既有年為今之計惟於單豐沛一 漕渠耳烏可輕易費 者不與水爭地惟順其勢而尊之而其談盜變選雖神禹不能 難制豐沛之於塞因黃河之傍衙黃河之傍衙因上流之未濟 河怒之驗也况自河南歷直隸至山東之曹縣時長堤以禦河 宜即疏支河以殺其勢築長隄以防其行然後張通漕沛自無 於塞之患不過費十萬緡自可成功且黃河為患已非 アジスフーコ 朝廷之 一錢響絕間間之 帶為堤以禦之不使於)地脉變 丘陵 一日智

一竹澗潘公希曾如拯議而工始集當河變之時漕渠阻塞南旺 因則可如已 不可以為河也 年盛公代會營造 於泰山寧陽泉水忽涌數尺膠舟盡釋繼以天雨河漕獲達六 **拯素諳堪與家乃於下流築埧以岡堂氣濟明堂以開滕築培** 遠圖以蹤陳朱之績則新河一 十六萬而大工煥然落成省下三十 路運船盡膠於沙上下洶洶拯食不下咽寢不安席露曝禱 下舍川澤以為高哉若曰 一萬有奇方究厥工比至周爰各輕殫心研處僅用銀一 朝議不協以姑蘇盛公應期代之竟不底績 顯陵命以少司空提督共事 「神河叵測固非力所及必欲求别 開非棄百数十里之田為巨浸 上台音餘雨別貯以備赈濟 国に 廷議計費

經遊大配勑省性分獻濱岳籍田賜扶犁錦帶蠶室成 八年陞南京丁 意甚惜之郢中疫甚昕夕殫慮賑救饑疲民賴以全活者甚象 高堙瘅龍岡委迤以護住城而後帝王之窟 儘好當時止做十八箇月諸臣以拯名對 上日拯以某事去 年於斯矣事竣 **帑藏釐革宿獘井然有經吾當守而弗失者也奈何變乎七** 千緡拯代南坦劉公麟或言劉政不便當更之拯曰劉公節慎 **企製公募** 聖駕南巡登純德山徘徊久之謂夏言等六臣曰這下 シススフーニ 一部尚書等改北京工部尚書授資善大夫命侍 日延六卿議事出海運 朝廷錫以白金文綺明倫大典以彰厥勞已 | |-疏商之衆夷能難 聖子神孫億萬 賜寶鏹 習行六

朝廷命九卿議之拯以事關本部將順則立蒙眷龍然 刻用打印化 一意會饒州進遵豆以古式 海口於塞自古未聞有濟海者桂遂止庚寅春夏言建議分郊 焼造祭品行移却不奏請以致差繆誤事好生有負委任本當 **劾請不坐僚屬奉** 五十年於茲一旦更之勞民傷財無益於事矧五星聚營室將 又以請建仁 有土木之漸東南民力竭矣豈可疲民以希寵乃上 [海運比河漕固易但有風濤没溺之患且天津等處近年 一大不懌然輿論籍籍韙拯讜言故 一壽宮不當 一大 大十二 **青章拯職司營造郊壇大事毎多違慢況** 聖心而權貴用事者勢甚薰灼益忤 上怒適自西山勘事歸遂上 はし、 上亦不能顯默之 疏極論其 旭宗百 疏自 張文二

巨喜及非糸 · 上百氏之術靡不研精得其肯於雖家居數十年而憂國之心 素無勢位者足跡未皆入州縣家事一不經心於天文地理醫 詹如也謝事丘園葛巾野服與野老盤旋雲水間懽呼酣飲若 益拯孝弟忠信出於天性與人樂易不設城府然於權貴紛華 公廣王公寓潘公鑑及臺諫董公進第趙公炳然等交章薦之 論列於 提問始從寬着革了職冠帶別住拯雖去而時論益重之大學 彌篤毎占天文先事多驗輒夕不樂戊申正月卒年七十 而侍御周汝員傳鳳翶王紳王獻之高封等按浙據鄉評相繼 方獻大首薦之為用事者所尼無何六卿周公用蘇公民王 朝庚子丙午言官起廢逸吏部兩疏名上請竟不果 シスフニ 四百七九

國朝列卿紀 《卷之六十二 年起南京下 十六年陞陝西有然政嘉靖二年陞湖廣右布政使三年陞江 政南院右副都御史八年陛下 西左布政使四年監都察院右副都御史巡撫河南地方七年 院左都御史再起本部尚書本 聶賢字承之四川重慶府長壽縣人 察御史六年陛荆州府知府九年丁憂十一 九年陞本部尚書上年加太子少保十 八十八年擢南京山西道監察御史正德四年改馬東道 部 一部右侍郞本年陞本部左侍郞 化菜改刑部尚書詳刑部 《弘治》 一年以 罕儿 未進士授行 年由致仕都 古话话上上 可
文

府六年陞雲南左恭政十年養親嘉靖一 德元年陛武庫司郎中三年調職方司郎中四年陞蘇州府知 秦金字國聲直隸常州府無錫縣人 庫司主事士 林庭棉字利瞻福建福州府閩縣人 **希賛機務詳南京** 六部 年由南京戸部尚書改任時廟工方別夙夜在工督事維謹料 二年性湖廣右布政使四年,轉左六年性都察院右副都御史)無保定六府兼督紫荆等三關七年囘籍聽用: 丁四年調職方司主事十八年陞職方司員外隊正 一頼之芳績加太子少保士 、弘治已未進士授兵部武 、弘治癸丑進 一四年訓南京央部尚書 一年起補江西右条政

國別引即出一門をさた土工 那十一 甘為霖字公室四川敘州府富順縣人 年田侍讀學士陛更部右侍郎六年轉左本年兼學士掌詹事 温仁和字民懷四川成都府華陽縣人弘治壬戌進士嘉靖三 左侍郎十五年陛本部尚書提督工程十六年華職閉住 部屯田司郎中八年建大工收營權司即中十年陞太僕寺心 知州五年調澧州知州六年陞刑部河南司員外郎七年陞工 **兵部右侍郎十三年召攺丁** 五年加太子太保十六年致仕二十一 一年陞太僕寺卿十二年陞工部右侍郞十四年陞本部 一部左侍郎十四年陛本部份書 一年卒於家贈少保謚康 八嘉靖癸未進士授華 田文

市上野スタイプ 院右都御史十六年陛本部尚書提督工程十七年遷兵部尚 撫順天本年回院十二年陛本院右副都御史十五年陛都祭 加太子少保掌詹事府事 書兼右都御史仍協管都察院事歷太子賓客十八年行邊 年陞工部尚書兼官仍舊十七年改體部尚書兼翰林院學十 年陞巡撫寧夏石食都七年開住十一年起撫山西未任改巡 巡按湖廣風采凛凛嘉靖元年任大理寺右寺丞三年轉左六 毛伯温字汝厲江西吉安府吉水縣人正德戊辰進士任御史 府事丁憂十五年,起吏部左侍郎兼翰林院學士掌院事 ラススーノーニ

楊志學字遜夫湖廣長沙府長沙縣人彭城衛籍弘治於 周敘字子厚湖廣九溪衛籍河南息縣人 <u> 丞十六年起陞韶州府知府嘉靖三年陞四川副使七年陞四</u> 理寺右評事十年陛本司左司正十四年諫南巡阵永嘉縣縣 川右条政八年四陕西右布政使九年四陕西左布政使十年 陛都察院右副都御史巡撫遼東十二年攺南京都察院右副 右侍郎提督倉場十五年陛兵部左侍郎本年陛都察院右都 都御史兼提督江防十三年召入為大理寺卿十四年改戸部 御史總督宣大軍務十七年陛工部尚書提督工 ţ 丁七年由刑部左侍郞陞任本年遷刑部尚書詳刑邵 ラシンファニ 八正德辛未進士授大

回射列卵紙 **顧璘字華玉應天上元人弘治丙辰進士嘉靖二十年任本部** 張潤字汝霖山西平陽府臨汾縣人弘治壬戌進士正德八年 尚書督工承天不任以部事晉南京刑部尚書詳南京刑部 十四年起南京吏部尚書詳南京吏部 御史巡撫順天等府本年丁憂十六年起原官巡撫寧夏嘉靖 部左侍郎仍督工程十八年致仕 原官陞戶部總儲左侍郎十九年陛工部尚書二十年 任戶科都給事中九年陛順天府丞十三年陛都察院左愈都 一年回院管事四年陛本院左副都御史六年開住十八年起 を地グブイニ

國朝列卿紀 除刑部陜西司主事十六年陞雲南司員外郎嘉靖元年養病 書兼右都御史總督三邊軍務 右布政使十五年陞浙江左布政使十二 文明字用晦江西表州府萍鄉縣人 任兵部右侍郎二十二年陛南院右都御史二十五年遷任一 三年補陝西司員外郎四年陞廣西司郎中八年陞湖廣副使 一六年改左都御史本年陞兵部尚書兼督團管葬以兵部尚 一以旂字士挌應天府江寧縣人正德辛未進士嘉靖一 年性湖廣右叅政十二 华起工 が 後 と 六十二 ーー・ーーー 一部尚書採木被劾未任詳兵部 一年陛陝西按察使十四年陛陝西 、錦衣衛籍正德丁丑進士 八年陞應天 五二 張:

侍郎二十一年召改工部右侍郎二十五年陛工 陞都察院右副都御史總督南京糧儲一 十六年陞本部尚書二十八年卒於官 一部左侍郎: